

10-§. Moliyaviy hisobotda axborotning yoritilishi

64. Ta'sischi qayta tashkil etishni amalga oshirish to'g'risida qaror qabul qilgan sanadan e'tiboran, qayta tashkil etishda qatnashayotgan korxonalar tomonidan qayta tashkil etish amalga oshiriladigan davrda belgilangan tartibda tuziluvchi va taqdim etiluvchi moliyaviy hisobotda amalga oshirilayotgan qayta tashkil etish haqidagi quyidagi axborot qo'shimcha tarzda yoritilishi lozim:

a) qayta tashkil etishni amalga oshirish asosi; qayta tashkil etishda qatnashayotgan korxonalar va huquqiy vorislar haqidagi ma'lumotlar;

b) topshirish dalolatnomasi yoki taqsimlash balansi tuzilgan sana;

v) topshirish dalolatnomasi yoki taqsimlash balansi tuzilgan sanadan e'tiboran mol-mulk tarkibi va qiymatida sodir bo'lgan o'zgarishlar (tugallanmagan qurilish tarkibidagi asosiy vositalarning foydalanishga topshirilishi, ularning amortizatsiyasi, chiqib ketishi va sh.k.) hamda majburiyatlar tarkibi va qiymatidagi o'zgarishlar (O'zbekiston Respublikasi qonun hujjatlariga muvofiq so'ndirilishi yoki ko'payishi), shuningdek aktivlar va majburiyatlarda tegishli o'zgarishlarni keltirib chiqargan hodisalar;

g) qayta tashkil etish bilan bog'liq xarajatlar; vujudga kelgan korxonalar ustav kapitalining shakllantirilishi;

d) topshirish dalolatnomasi yoki taqsimlash balansi ma'lumotlarining yakuniy moliyaviy hisobot miqdoriy ko'rsatkichlariga nomuvofiqligi (aniqlashtirish);

ye) yakuniy moliyaviy hisobot ma'lumotlarining dastlabki buxgalteriya balans miqdoriy ko'rsatkichlariga nomuvofiqligi;

j) bajarilmagan shartlar hamda e'tirof etilgan qayta tashkil etish bilan bog'liq boshqa hodisalar va b.

65. Qayta tashkil etish natijasida o'z faoliyatini to'xtatgan korxonalar topshirish dalolatnomasi yoki taqsimlash balansiga asosan yakuniy moliyaviy hisobotning buxgalteriya balansida «Yil oxiriga» ustunining miqdoriy ko'rsatkichlarini to'ldiradilar.

O'z faoliyatini to'xtatgan korxonaning yakuniy moliyaviy hisobotiga tushuntirish yozuvida amalga oshirilgan qayta tashkil etish va korxona faoliyatining to'xtatilishi haqida ma'lumotlar quyidagi holatlar ko'rsatilgan holda yoritilishi mumkin:

a) qayta tashkil etishni amalga oshirish uchun asoslar;

b) mol-mulk va majburiyatlarning huquqiy vorisga o'tkazilishi haqidagi hujjatlar;

v) qayta tashkil etilayotgan korxonalarning hisob-kitob va boshqa bank schyotlari yopilgani, qayta rasmiylashtirilganini tasdiqlovchi hujjatlar;

g) qayta tashkil etilayotgan korxonaning davlat soliq organlari, davlat maqsadli jamg'armalari organlari, hududiy statistika organlari hisobidan chiqarilishi haqidagi ma'lumotlar va b.

66. Qo'shib olish yoki ajratib chiqarish shaklida amalga oshirilgan qayta tashkil etishdan keyin o'z faoliyatini davom ettirayotgan korxonalar olingan (topshirilgan) mol-mulk va majburiyatlardan kelib chiqqan holda moliyaviy hisobot tuzadilar.

Topshirish dalolatnomasi yoki taqsimlash balansi ma'lumotlari, ustav kapitali, qo'shilgan kapital miqdori hamda buxgalteriya balansining boshqa miqdoriy ko'rsatkichlaridagi o'zgarishlar moliyaviy hisobotga tushuntirish yozuvida yoritiladi.

Ajratib chiqarish shaklida qayta tashkil etilayotgan korxona daromadlari, xarajatlari, olgan foydalari (ko'rgan zararlari)ning summalari, shuningdek daromad (foyda) solig'i haqidagi, shu jumladan ajratib chiqarilayotgan tarkibiy bo'limga taalluqli ma'lumotlarni O'zbekiston Respublikasi Buxgalteriya hisobining milliy standartlarida keltirilgan tartibga muvofiq moliyaviy hisobotga tushuntirish yozuvida yoki moliyaviy natijalar to'g'risidagi hisobot (2-son shakl)da yoritishi mumkin.

Moliyaviy hisobot miqdoriy ko'rsatkichlarining qiyosiylikini ta'minlash maqsadida, korxonalarni qo'shib olish (ajratib chiqarish) amalga oshirilgan qayta tashkil etish jarayoni yakunlanganidan keyin, qayta tashkil etishdan oldingi davrlarga tegishli ma'lumotlarga belgilangan tartibda tuzatishlar kiritilishi lozim. Bunda buxgalteriya hisobida hech qanday yozuvlar qayd etilmaydi.

67. Qayta tashkil etish natijasida vujudga kelgan korxonalar o'zlari davlat ro'yxatiga olingan sanadan e'tiboran o'tgan hisobot davri uchun qonun hujjatlarida belgilangan tartibda moliyaviy hisobot tuzadilar va taqdim etadilar.

68. Agar amalga oshirilgan qayta tashkil etish natijasida qayta tashkil etilgan korxonaning sho'ba va tobe xo'jalik jamiyatlariga nisbatan huquqlari huquqiy vorisga o'tgan bo'lsa, huquqiy voris, o'z korxonasining dastlabki

moliyaviy hisoboti bilan bir qatorda, O‘zbekiston Respublikasi Moliya vazirligi tomonidan 1998 yil 14 oktyabrda 50-son bilan tasdiqlangan Buxgalteriya hisobining milliy standarti (8-son BHMS) «Konsolidasiya qilingan moliyaviy hisobotlar hamda sho‘ba xo‘jalik jamiyatlariga investisiyalarni hisobga olish» (ro‘yxat raqami 580, 1998 yil 28 dekabr, Me‘yoriy hujjatlar axborotnomasi, 1999 yil, 6-son)ga muvofiq o‘zaro bog‘liq korxonalar guruhining konsolidasiya qilingan moliyaviy hisobotini tuzishi va ma’lumotlarni yig‘ma moliyaviy hisobotga izohlarda yoritishi lozim.

O‘zbekiston Respublikasi buxgalteriya hisobining milliy standarti (23-sonli BHMS) «Qayta tashkil etishni amalga oshirishda moliyaviy hisobotni shakllantirish»ga

ILOVA

Korxonalarni qayta tashkil etishda qo‘llaniladigan mol-mulkni baholash

TURLARI

Aktivlarning turlari	Baholash turlari				
	bozor qiyma ti	haqiqi y qiyma t	qoldi q qiym at	nomin al qiymat	rejali, me‘yori y qiymat
Asosiy vositalar	ha	ha	ha	yo‘q	yo‘q
O‘rnatiladigan asbob-uskunalar	ha	ha	yo‘q	yo‘q	yo‘q
Nomoddiy aktivlar	ha	ha	ha	yo‘q	yo‘q

Kapital qo'yilmalar	ha	ha	yo'q	yo'q	yo'q
Uzoq muddatli investisiyalar	ha	ha	ha	ha	yo'q
Materiallar	ha	ha	yo'q	yo'q	ha
Tugallanmagan ishlab chiqarish	ha	ha	yo'q	yo'q	ha
O'zida ishlab chiqarilgan yarim tayyor mahsulotlar	ha	ha	yo'q	yo'q	ha
Ishlab chiqarishdagi yaroqsiz mahsulot	yo'q	ha	yo'q	yo'q	ha
Tayyor mahsulot	ha	ha	yo'q	yo'q	ha
Tovarlar	ha	ha	yo'q	yo'q	ha
Yuklab jo'natilgan tovarlar	ha	ha	yo'q	yo'q	ha
Naqd pul mablag'lari	yo'q	yo'q	yo'q	ha	yo'q
Pul hujjatlari	yo'q	ha	yo'q	ha	yo'q
Bankdagi schyotlardagi pul mablag'lari	yo'q	ha	yo'q	yo'q	yo'q
Yo'ldagi	yo'q	ha	yo'q	yo'q	yo'q

o'tkazmalar					
Moliyaviy qo'yilmalar	ha	ha	yo'q	ha	yo'q
Kelgusi davrlar xarajatlari	yo'q	ha	yo'q	yo'q	yo'q

(O'zbekiston Respublikasi qonun hujjatlari to'plami, 2005 y., 25-26-son, 187-modda; 2013 y., 32-son, 432-modda)